

ادبیات عمومی و مجری

هفته‌لقی سیاسی، ادبی و علمی غزته‌در.

جلد : ۱

سنه : ۱ ۲۷ صفر ۱۳۳۵ جمعه ایرتسی ۱۰ کانون اول ۱۳۳۲ نومرو ۸

[صدر ایسوی و اعیانه رئیس سابقی سعید پاشا مره‌مک،
اک کوزل و اک مکمل سفارتنامه من اولاده غالب پاشا مخطومه من مقدمه
طرز منده رشاد فتواریک افندی به خطاباً یازمه اولدقلری غیر منتشر
مکتوبی آتی به درج ایریری. بوکونه قدر غیر مطبوع اولاده او کویک
سفارتنامه ده کلامک نسخ منده باشو یا جفنی تبشیر ایررز.]

اجناد سموثراد لرندن صالح ملا علیه رحمة الملك الاعلانک ترجمه حالی استنساخ اولمغله نسخه
اصلیه اعاده قلندی. خاندان کرامیلرینک اعظم اعضاسنه متعلق بر اثر ذی عبرتله مخلصلرینی وایه‌مند
وقوف بیوردقلرینه نه قدر تشکر اولنسه آزدر. بوراده مناسبتی یوق اما هر مضمری اظهاره مساعد
وسائل و ازمنه ذاتاً هرکسه میسر اولدیغنی دوشنه‌رک ولهذا وجه تعلق ارامیه‌رق بر شی دها
یازه‌جغم : بوندن اون آلتی سنه اول احسان ایتدیکنز سفارتنامه غالبی حالا اعاده ایده‌مدم.
معلومدرکه دول علیه اوروپا جمعیت دولیه‌سنه. دخولندن مقدم دول غربیه‌دن بعضیلری نزدینه
وقتاً بوقه سفرای فوق‌العاده کوندرمشدرکه بونلر اون سکنز ذاتدر واون دردی سفارتنامه نامیه
مخطومه‌لر یازمشلردر. اک مدققاته یازیلن سفارتنامه ایسه غالب پاشانککیدر. یازق که ناقص قالشدر.
مشارالیه کرچکدن دیپلومات و اصول تدبیر مملکتده ماهر، بناء علیه نزد دواتده موقر ایمش ؛
حتی سلطان سلیم ثالث بر کون باب عالی‌یه کلیر، بعض مصالح مهمه خارجییه مذاکره‌سندن صکره
اولوقت امدجی یولنان بو غالب افندی‌نی وسعت اقتدارینه بناء سفارت فوق‌العاده ایله پارسه مأمور

بر عرق تماماً ماہیت معینہ سنی اکتساب ایتدیکجہ ، افرادینک کافہ سنہ موافق وانلری خشنود ایدہ جک تاسیساتی بولوب تطبیق ایتک پک مشکادر . افراد ارہ سندنہ کی مبانیت پک بارز بولندجہ ، عینی تاسیسات وقوانین آلتندہ بوللری جمع ایتک ، محال قیلندندر ؛ یالکز انکیز و هولاندایلر بوقاعدہ مخالف اولہرق بعض مرتبہ موفقیتلر کوسترمشر ، وزیر ادارہ لرینہ آلدقلری اقوام مختلفہ ومتباینہ بی، جہالت ایچندہ بولندیرمق و فنا عادات و اخلاق لرینہ رعایت وعاداتا انلری باشی بوش نیم مستقل برحالہ ادارہ ایتک صورتیہ ، انلرک اوزرینہ عمدید حاکمیتی تأمین ایدہ بیلمشلردر .

بر ملت ، تأسس و اساسات حیاتی توثیق ایدہ بیللمک ایچون ، مطلقا ارہ لرندہ پک بیوک مبانیتلر ارانہ ایتین ، عینی حوالیدہ ساکن ، عینی محیطانک تاثیراتہ ، عینی تاسیساتہ و ممکن ایسہ عینی معتقداتہ و متمادی و تدریجی اختلاطاتہ تابع عناصردن تشکل و ترکب ایتمش بولنمق لازمدر .

مسرودات واقعہ کورہ اوروپا عرقلری ، یواش یواش ثابت برحال و وضعیت اکتساب ایتکدہ اولدیغندن اختلاطات سایہ سندنہ بوللرک تبدل شخصیتلری کیتدیکجہ کوچشمکدہ در . انسانیت ، قاعدہ توارنک بارقیلانی بی دربی دہا زیادہ حس ایدیور .

نتیجہ مقال اولہرق دیہ بیلیرزکہ عروق تاریخیہ نک دورہ تشکلی قریباً ختام بولمق اوزرہ در .

دعوی وکیلی کریدی

اعمر سانی



تاریخ حرب



[۱ - ۷ کانون اول ۳۳۲]

بوہفتہ عموم جیبہ لردہ جریان ایدہن محاربات ، افکار عمومیہ بی شدتلہ اشغال ایدہ جک کورولتولی وقایع دکلدر . یالکز رومانیا جیبہ سی استئنا ایدیلیرسہ ، دیگر عموم جیبہ لردہ ہان ہیچ برشی اولمادی دینہ بیایر . حالبوکہ رومانیا جیبہ سندنہ دہ (بکرش) و (پلوشتی) شہر لریلہ (پراہووا) وادیسی ترک ایدہ رک رجعتہ قویولان دشمنک تعقیبندن باشقہ وقایع حربیہ دہ ولولہ داریکی برشی یوقدر .

غرب صحنہ حربندہ ، برقاق ہفتہ مقدمتدن بری تخمین ایتکدہ اولدیغمز وجہلہ ، (صوم - آنقر) تعرضی عقیم قالدی ونہایت بولدی . صوک کلن ، موثوق خبرلرہ مستند حساباتہ کورہ افرنجی ۱ آموزدن تشرین ثانیہ صوکنہ ندر صوم - آنقر تعرضندہ انکیزلر لاقلا ۵۰۰ بیک ، فرانسلر دہ اقلی ۳۰۰ بیک کشی ضایعات ویرمشلردر . بو ۸۰۰ بیک قربانہ مقابل الدہ ایدیلن برقاق یوز کیلو مترولق اراضی ویش اون قریہ نک ، - رسملرندہ کوردیکمز وجہلہ - حتی اولجہ قریہ اولدقلری بلالی اولامایہ حق درجہ دہ خراب انقادی نہالیم بر نتیجہ در! ایشتہ کرک بو الیم نتیجہ وکرک رومن دارالحربندہ ، - ہنوز ائتلاخیلرک لایقیہ مدح و ثنائسنہ وقت بولامادن یوزدہ یتشی دیار محو وعدہ کیدہن رومن اوردوسنک ہزیمتی ، بکرش سقوطی آسکیت قابینہ سیلہ برلکدہ فرانسلر باش قوماندانی (ژوفر) ی دہ دوشوردی .

حقلی ویا حقسلر ، (مارن) محاربہ سیلہ آلمان سیل استیلاسنی توقیف ایتدیکی قناعتیہ فرانسلرک دونہ قدر کندیسنہ محبتلری پایدار قالان ژوفر بردن برہ عزل و حکومت نردندہ (مشاور خصوصی حرب)

نعین ایدلی . یرینہ دہ ، اولیہ عمومی باش قوماندانلغہ دکل ، فقط فرانسنہ نک « شمال و شمال غربی جیبہ لری قوماندانلغہ » جنرال (نیوہل) کتیرلدی . صوم تعرضنک عقامت قطعہ سنہ بوندن باشقہ دلیل ایسترسہ کز ، الیوم اورادہ آراصیرا طویجی آتشی وقرہ غول محاربہ سندن باشقہ برشی اولمادیغنی کورورسکیز . سانکہ ، طرفیندن ۱,۲۰۰,۰۰۰ کشی نک قانی آقان مخوف قصابخانہ اوراسی دکلدر .

غرب دارحربنده (ایپر) ده و (شامپانیا) ده جریان ایدهن کوچوک مصادماتدن ماعدافرانسزلرك، بویوك بر مقصد سوق الجیشی ایچون دكل، فقط تشفی صدر و تطیب نخوتلری ایچون وردونك بالخاصه شمال جبهه سنده، (موز) نهرینك صاغ ساحلنده شدتلی هجوملر یاپدقلری و بر آزار اراضی قازاندقلری کوریلور. اخیراً (وو) و (دواومون) موقعلری آلان فرانسزلر بو صوك هفته دها شمالده کاش (بهزون وو) قریه سیله (فوس) اورمانتی و ۳۷۸ راقلی (شامپرت) تپه سنی اله کچیردیلر. بوضو رتله موزك شرق ساحلنده وردون استحکامات اساسیه سنه دایانمش اولان آلمان خطوطی صوك اون بش کونده ۵ - ۶ کیلومتر قدر کريله مش بولنیور. فرانسزلرك مجروح و مایوس فرانسز یورکلرینه صو سربمك ایچون یاپدقلری بو تعرضلر نخوتی اوقشاسه ده نتیجه سوق الجیشیه تأمین ایدهن. آوستریانك ایتالیان جبهه سنده و جنوب شرقی صحنه حربنده یعنی آرناووداقده آولونیاك شمالنده (وویوسا) خطنده وضعیتده تبدل یوقدر.

شرقد، ریغا کورفزی ساحلندن رومانی حدودینه قدر امتداد ایدهن ۱۲۰۰ کیلومتر و لقی روس جبهه سنده، ایکی طرفك ده اویومادیغنی کوستردن بعض سیر و لغم محارباندن، کوچوک کشف تعرضیلردن و نادر طوپیجی فعالیتدن باشقه بر شی اولادی.

(جنرال آرشیدوق ژوزف جبهه سی) نامیه آکیلقدده اولان اورمانلی قارپاتلر و شرقی ترانسیلوانیا داغلری محاربانی که، افلاقده رومنلری ثقلت تعقیبمزدن قورتارمق مقصدیه اجرا ایدیلور دی، صوك هفته آرا صیرا دوام ایتمکله برابر چوق کهوشه دی. هیچ بر نقطه ده موفق اولامایان خصمك، کچن هفته ده یازدیغمز کی، اتفاق مربع اوردولرینك قلاص - ابرائیل طرفلرینه یاقلاشدقلری صیراده بو هجوملرده اصراره محل قالمادیغنی آکلامسی و جنوبده (سهرت) نهری آشاغیسنده شو کونلرده جریان ایدهنك محاربه لزه اهمیت ویرمه سی ملحوظدر.

ما کدونیا ده (پره سبه) کولندن (استروما) به قدر اولان جبهه نك بالخاصه (مناستر) ك شمالی و (چرنا) قره صو نهرینك قوسی قسمی که تمام دی که فاصله دار محاربانه صحنه اولیور. فقط اتفاق مربع قوتلری اوراده صوك زمانلرده ایجه تقویه ایدیلدیکندن (سارای) که مأمولی اولان سریع و نا کپانی بر ترقی ممکن اولامادی. بوندن صوکره یاواش یاواش نوبت تعرض بزم طرفه کله جکدر.

کچن هفته کی نسخه مزده، (بکرش) و (پلوتهشتی) دن صوکره دشمنك (شرقی افلاق) ده دنیلن افلاق کبر اووالرنده تعقیبندن بحث ایتدیکنمز. اتاده دیمشدا که: «شیمدین متفقلر (میزیل - اوزریچینی) خطنه واصل اولدیلر. (ابرائیل - قلاص - فوقشانی) خطندن اول رومنلر بریرده توقف ایدوب بر حرب دها ویره بیاه جکلمی؟ ظن اتمه یورز. واقعا بسارابیادن و شمالدن متادیا روس - رومن قوای امدادیه سی کله بیلیرسه ده وضعیت سوق الجیشیه کندیلرینه شیمدی هیچ مساعد دکلد. «بو دیدکلریمز تحقیق ایتدی. رومنلر، بالخاصه فضله جه جنوبده و فنا بر وضعیتده قالان صول جناحلرینی آرتق (چرناوودا) دن ده مرور ایتمش اولان بویوك بولغار قوتلرینك ده تضیق و تعقیبندن قورتارمق ایچون، سرعتله کری چاکمکده دوام ایتدیلر. (بوزه تو) نهری اوزرنده جدی بر حرب ویره مه دیلر. چونکه (فالكینراین) اداره سنده کی دو قوزونجی اوردو، یاغان شدتلی یاغمور لرله اراضینك فنا حالدده چلهور اولاسنه، بو اوردونك نام بر آیدن بری غزنی رومانیادن شرقی رومانیاه قدر ۲۵۰ کیلومتر - یعنی کونده ۱۰ کیلومتر دن فضله - مسافه یی محاربانه و مشی جبری ایله قطع ایتمش بولونماسندن متولد یورغونلغه، هنوز ضبط ایدیلن یرلرده منافلات و منزل خدماتنك بالطبع منتظمه اتأسس ایدهنه مسندن متحدث مشکلاته رغماً یورغون دشمنه کندیخی طوبیلامق ایچون بر آن بیله نفس آلدیرمایوردی و رومنلر اسیر ویره ویره، جدی بر مقاومتها مکان بولامادن قاچیورلردی.

نهایت (بوزه تو) شهری ده ضبط ایدادی. بورانك ضبطندن مقدم فرانسه عسکری منقلدرندن جنرال (بارتو) رومن رجعتی حقنده (پوتی پاریزیهن) غزنه سنده شو سطرلری یازیورلردی: «رومنلرک رجعتی سوق الجیشی بر رجعت دکدر. بالعکس بو، دها مکملنک تطبیقی قابل اولمایان مکملی دشمن پلانلری تأثیریله یا بلقده در. روس اماناد عسکریمی اوزرینه بنا ایدیل امیدلر بوکونه قدر حقیقت پذیر اولامادی. بوکون آرتق آشکاردرکه هیچ بر زمان ساحه حقیقته چیقاما یا جقدر. بناء علیه ایرکچ رومانیا یی محو اولمش عد ایتله لیدر.»

بوسطرلر، بردشمننمز آغزیله، بزم یازمقده اولدیغمز شیلری تأیید ایتکدهر. (بوزه تو) نك ضبطنی متعقب، دوبریجه ده بابا طاغ جنوبنده طورمقده اولان خصم قوتلری ده موضعلری ترک ایلر رجعتی باشلادی. چونکه افلاق کبیرده کیتدکجه (ابرائیل - قلاص) خطنه تقرب ایدن قوتلرمز قارشینده، بو دوبریجه ده کی روس - رومن اوردوسی رجعتده برآز زمان تأخر ایدرسه آرتق پک کچ قالمش و آرقه سنده کی طونه نهری آغیزلری و بطاققللری ایچنده طاقم طاقم بوغولمق واسیر اولاق تهلکه لرینه دوشمش اولوردی.

شیمدی آرتق آکلاشیلورکه، روس - رومنلر بسارایادن و مولداویا (بوغدان) دن کتیره - جکلری قوتلرله اولسه اولسه (ابرائیل - قلاص - فوقشانی) خطنده (سهرت) نهری جوارنده بر میدان حربی دها ویره جکلردر. حتی بونک ایچوندکه یوقاریده شرقی ترانسیلوانیا داغلری محارباتنک اهمیتنی غائب ایتدیکنی اشارت ایتدک. مملکتلرینک کوچوک بر پارچه سی الارنده قالان رومنلر قدر روسلر ایچونده بو (سهرت) خطی محاربه سی مهمدر. چونکه کرک (بسارایا) روس اراضیسندن و کرک بو قوویناده ایلری جیقمش روس قوتلرینک طاللی بو محاربه نك نتیجه سینه باغلیدر. بو حربی غائب ایتک یا لکز افلاق و (بوغدان) ک یعنی رومانیا نك خام استیلا سی دیمک دکدر. عین زمانده (بسارایا) جنوبی روسیه نك اوردولریمزه آچیلما سی، شمالده بو قوویناده و غالیچیا ده کی روس قوتلرینک ده صول جناحلرندن احاطه تهلکه سینه معروض قالما سی دیمکدر. بناء علیه دوبریجه نك برایی کوننده اتمام استیلا سینه و سهرت نهری جوارنده روسلرله رومنلرک بوتون احتیاط قوتلریله اشتراک ایده جکاری بر مهم محاربه یه انتظار ایتله یز. روسلرله رومنلرک بو، محقق کی کورونن صوک میدان حربی ده غائب ایتله لری احتمالی پک غالب اولما سی شویله دورسون، بوکونه قدر ۱۷۰ بیک اسیر ویردن و بوتون منابع قوتندن اوزاقلاشان، پترول منبعلری، یوز بیکلرجه واغونلق ذخیره یی اولدینی کی المزه براقان رومن اوردولری یوزده سکسان محو اولمشدر دینه بیلیر. و آرتق رومانیا نك ده دیگر کوچوک حکومتلره بگزده سی پک یاقیندر. هر حالده بوکونلرده کرک رومانیا و کرک روسیه ایچون جوق مهم بر وضعیت سوق الجیشیه نك عرفه سنده یز. عثمانلی دار حربلرنده مهم وقوعات یوقدر. یا لکز صوک هفته عراقده (فلاحیه) جوارنده مهمجه محاربات جریان ایتدیسه ده خصم هیچ برشی قازانامادی. عثمانلی قوتلری کرک رومانیا و کرک غالیچیا ده و کرک ما کدونیا ده (استروما) جبهه سنده وظیفه لرینی قهرمانانه ایفا ایدیورلر.

حربه فاصله ویره جک صالح مسئله سینه کلنجه: بو خبرک دشمن مملکتلرنده رسماً طرز تلقی سی هیچ امید بخش دکدر. اوقدر زماندر بزه قارشى فضله ایلری کیتمش اولان رسمی ائتلاف محافلی شیمدی رجعت ایچون جوق کوجلاک چکه جکلردر. بزم صالح تکلفنی عالیجنابانه مزک بوسبوتون تأثیرسنز قالدیغنه حکم ایدیلرله مزسه ده، شیمدی لک محاربات دوام ایده جکدر حکمی ویریلر بیلیر.